

Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaata nr. 7, 7. december 2009-imeersup allannguuteqartinneqarnissaa pillugu Inatsisartut inatsisaat nr. xx, yy 2015-imeersoq (aatsitassanut ikummatissanullu inatsit)

pillugu

Aatsitassanut Ataatsimiititaliap

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Aatsitassanut Ataatsimiititaliaq suliarinninnermini ukuninnga inuttaqarpoq:

Anders Olsen	Siumut	siulittaasoq
Randi V. Evaldsen	Demokraatit	siulittaasup tullia
Ineqi Kielsen	Siumut	
Siverth K. Heilmann	Atassut	
Juliane Henningsen	Inuit Ataqaatigiit	
Naaja Nathanielsen	Inuit Ataqaatigiit	
Kalistat Lund	Inuit Ataqaatigiit	
Tillie Martinussen	Demokraterne	
Nikolaj Jeremiassen	Siumut	

1. Siunnersuutip imarisaa siunertaalu

Inatsisissatut siunnersuummi nassiunneqartumi aatsitassanut inatsimmi teknikikkut annikitsunik marlunnik iluarsiiisuteqarnissaaq siunnersuutigineqarpoq. Ilaatigut Danmarks Miljøundersøgelse (DMU) inatsimmi innersuussuttip sullissiviup taaguutaanut nutaamut Center for Miljø og Energimut (DCE) allanngortinneqarnissaa siunnersuutigineqarpoq.

Tamatuma saniatigut aatsitassanut inatsimmi § 97, imm. 1-imi aalajangersakkap erseqqissarneqarnissaa siunnersuutigineqarpoq. Aatsitassanik inatsimmik unioqqutitsilluni imaluunniit atugassarititaasunut akuersissummi aalajangersagaasunut, akuersissuteqarnermut imaluunniit aalajangersakkanut inatsit naapertorlugu aalajangersagaasunut unioqqutitsilluni, akuersissummik peqarani katersorneqartunik piiarneqartunik imaluunniit atorneqartunik arsaarinninnissamut Naalakkersuisut taamatut allannguinnikkut inatsisitigut tunngavissaqalersinneqarput.

2. Siunnersuutip Inatsisartunit siullermeerneqarnera

Siunnersuut annertuumik taparserneqartoq ataatsimiititaliamit aallarniutigalugu oqaatigineqassaaq. Tamanna ataatsimiititaliamit tusaatissatut tiguneqarpoq, ataatsimullu isigalugu taama isumaqatigiittoqarnera tunngavigalugu isumaliutissiisummik naatsumik saqqummiussaqaarluni. Siunnersuutilli siullermeerneqarneranut atatillugu aatsitassanut inatsisip nutarterneqarnissaa aammalu inatsisip allannguutigisaatalu ataatsimoortinneqarnissaat partiinit arlalinnit ujarorneqarpoq ataatsimiititaliamit maluginiarneqarpoq. Apeqqut taanna immikkut ittoq allamut atatillugu ataatsimiititaliamit sammineqassaaq.

3. Tusarniaanermut akissutit

Siunnersuut piffissami 2014-imi 13. juunimiit 18. augustimut tusarniaanermut nittartakkamiippoq kiisalu oqartussaasunut, kattuffinnut suliffeqarfinnullu makkununga tusarniaassutigineqaarluni:

Namminersorlutik Oqartussani Naalakkersuisoqarfiit, Kalaallit Nunaanni Sulisitsisut Peqatigiiffiat, NUSUKA, S.I.K., KANUKOKA, Kommune Kujalleq, Kommuneqarfik Sermersooq, Qeqqata Kommunia, Qaasuitsup Kommunia, Nunaoil A/S, NunaMinerals A/S, Greenland Mining Services A/S, Grønlandsbanken, Transparency Greenland, Nunatsinni Advokatit peqatigiiffiat, AvataQ – Kalaallit Nunaanni Pinngortitamut Avatangiisinullu peqatigiiffik, ICC Greenland, Inatsisartut Ombudsmandiat aamma Kalaallit Nunaanni Naalagaaffiup Sinniisua.

Oqartussaasunit, kattuffinnit aamma suliffeqarfinnit makkununga tusarniaanermut akissuteqaatit tiguneqarput:

WWF, GA, Nunatsinni Advokatit, GrønlandsBANKEN, KANUKOKA, Birger Poppel, NUNAOIL, Kommuneqarfik Sermersooq, SIK, Institut for Menneskerettigheder; KNAPK, Transparency International Greenland, Greenpeace Norden aamma ICC Kalaallit Nunaat.

3.1 Ataatsimiititaliap tusarniaanerup ingerlanneqarneranut oqaaseqaatai

Ataatsimiititaliap tusarniaanerup ingerlanneqarneranut oqaaseqaatissaqaanngilaq. Tusarniaaffigisat ataasiakkaat inatsisissatut siunnersuummut annikitsumik oqaaseqaateqarsimasut ataatsimiititaliamit maluginiarneqarpoq. Inatsisissatut siunnersuummut nalinginnaasumik nassuiaatini Naalakkersuisut nassuiaanerat naammaginatutut ataatsimiititaliamit isigineqarpoq. Taamaattumik annertunerusumik oqaaseqaateqarnissaminut ataatsimiititaliap tunngavissaqaarsorinngilaq.

4. Ataatsimiititaliap siunnersuummik suliarinninnera

Siunnersuut maannakutut iluseqartoq ataatsimiititaliamit isumaqatigiittumit taparserneqarsinnaavoq. Taamaattumik annertunerusumik oqaaseqaateqarnissaminut ataatsimiititaliap tunngavissaqaarsorinngilaq.

5. Siunnersuutip aningaasaqarnikkut kingunerisassai

Siunnersuutip akuerineqarnera aningaasaqarnikkut kinguneqassanngitsoq siunnersuummut nalinginnaasumik nassuiaatini oqaatigineqarpoq. Tunngavissat pigineqartut aallaavigalugit allatut naliliinissamut ataatsimiititaliaq tunngavissaqarsorinngilaq.

6. Ataatsimiititaliap inassuteqaataa

Ataatsimiititaliap isumaqatigiittup siunnersuut akuerineqassasoq inassutigaa.

Taama oqaaseqarluni isumaliutissiisumilu oqaatigineqartutut paasinnilluni ataatsimiititaliap siunnersuut aappassaaniigassanngortippaa.

Anders Olsen
Siulittaasoq

Tillie Martinussen

Nikolai Jeremiassen

Siverth K. Heilmann

Juliane Henningsen

Naaja Nathanielsen

Kalistat Lund